

東華續錄

同治朝

卷三十五之三十八

第士冊

六月庚午朔沈葆楨奏逆賊汪海洋陳...盤踞陳坊湖坊蔓延火田坂等處五月...三日王德榜派隊接戰殺斃百餘名該逆於初七夜竄向上清宮據逆雷悍黨萬餘於火田坂一帶為斷後計王開琳當...勇丁約會王德榜分三路而進該逆憑卡死守我軍以劈山礮轟之一擁而入斃悍逆百餘名王開琳揮令各營直前猛...百督親兵居中策應擒斬甚夥賊乃大潰我軍追殺七八里又斃賊數百名其刀踞柵子峯盛源洞者初九日竄至距貴溪城十餘里之南鄉總兵孫昌國抽派水勇會同總兵戴奉聘及該縣練勇敗之於張家橋十一日又敗之於五里亭見在鉛山境內一律肅清惟貴溪之盛源洞等處賊尚未退當飭在防諸軍極力掃蕩迅殄逆氛又奏林政揚一股四月二十六日由甯化福村回竄石...之豐田該縣知縣官繼勛等擊退之該逆仍踞福村偽王宗一股除與侍逆合隊外餘匪復於五月初五十六等日竄近廣昌東南邊界知縣彭芝派團勇迎擊該逆遂退入池源山背村中負隅不出見在侍逆大股仍踞崇仁諫聽等逆則在貴溪之南金盪之北劉典以賴河盛漲兼有彭玉麟水師可恃王文瑞分紮永豐樂安西路可無他慮商同江忠朝席寶田先行圍復崇仁而撤王開琳王德榜會剿該逆聽逆探聞鮑超初六日由蕪湖周寬世初十日由祁門先後拔營雨多路阻月底方可抵江上諭議政王軍機大臣等汪陳兩逆經王德榜王開琳等分路猛擊殲斃逆多名其分踞柵子峯盛源洞者竄距貴溪城十餘里南鄉經孫昌國等屢次擊敗而賊尚未退著沈葆楨督飭在防諸軍極力掃蕩毋令盤踞要隘日肆蔓延見在侍逆大股仍踞崇仁諫聽等逆則在貴溪之南金盪之北亟宜及早殄滅楊岳斌日內諒已交卸水師起程赴江著卽星夜前進會同沈葆楨督飭江忠朝席寶田等迅復崇仁毋令逆匪久踞並檄王德榜王開琳會合江軍將該逆各逆速圍剿滅王文瑞分紮永豐樂安西路雖無可虞而南豐一城日久尚未攻克其勦辦情形亦未據沈葆楨督飭在事文武奮力進攻毋再遲延干咎林正均相毗連若不迅下南豐恐賊氛聯成一片紛竄旁趨愈難收拾著沈葆楨督飭在事文武奮力進攻毋再遲延干咎林正揚一股由甯化福村回竄石城之豐山仍敗踞福村偽王宗一股分黨由甯化之安遠司竄近廣昌復退池源山背村中負隅不出是福建邊防愈形喫緊著左宗棠等督飭康國器一軍確探賊蹤迎頭截擊徐宗幹樓遵慶次諭旨迅催林文察等飛速內渡合兵會剿並飭在防諸軍嚴扼要隘其...能得力員弁隨時甄汰以肅戎行甯化石城一帶逼近汀州廣東邊防不可不先事防維著毛鴻賓郭嵩焘趕緊籌畫豫為布置張運蘭一軍仍遵前旨催令迅速入閩毋再遲延鮑超周寬世等軍據沈葆楨奏雨多路阻月底方能抵江昨據會國藩奏鮑超已至九江著該大臣嚴催鮑超及周寬世全軍迅速援江不

得再行遲滯將此由六百里各諭令知之○辛未諭議政王軍機大臣等前因皖北兵力單薄諭令富明阿酌派動兵爲陳國瑞等後路聲援並令富明阿督飭富陞統帶馬隊馳赴臨淮與克蒙額合軍遏賊東竄茲據富明阿奏稱楚豫髮捻下颯若由巢縣定遠等處分路直趨則揚防各路均形吃重且襄下河一帶游勇散勇結隊成羣巢湖船隻到處聚泊防務斷難稍鬆兵力實難遠分等語所奏尙係實在情形陳國瑞一軍日內諒可行抵臨淮如兵力尙單卽著吳棠酌撥姚廣武等軍就近援應徐宿一帶未可空虛卽以清淮防軍爲姚廣武後路聲援揚防之軍兼爲清淮策應著富明阿吳棠督飭各軍聯絡布置互相應援揚防各路兵勇卽著無庸撥赴皖北喬松年卽飭在防諸軍密探賊蹤實力堵遏陳國瑞到臨後著喬松年仍遵前旨會商進兵並稟商伯格林沁酌量調度游兵散勇及新降人眾應聚裏下河一帶巢湖船隻每多生事防範不可不嚴著富明阿飭令派出之孫文友等梭巡盤詰查拏驅逐庶奸宄無從潛遁地方得臻安謐沿江口岸亦著一體嚴查無任匪蹤滑溜江南散勇遺散五十三營每營五七百人不等且多降眾在內著李鴻章於遺散之時妥爲管押毋任逗留滋事該將軍嚴行復水陸各防卽著飭令吳全美等嚴扼要隘妥爲彈壓以靖地方將此由六百里各諭令知之○御史朱澄瀾條陳嚴保舉慎召募嚴期限行保甲懲貪墨崇節儉六事 上嘉納之○予浙江陣亡在籍道員卬祥等建祠○王申諭議政王軍機大臣等楊岳斌奏起程赴江日期並請調員辦理營務各摺片楊岳斌見在江面防剿事宜交提督黃翼升接辦派彭楚漢等率水師四營先往江西自河擇要扼紮該督已於五月二十七日起程取道安慶上駛著卽兼程前進懷遵前旨會同沈葆楨督飭各軍將崇仁貴溪等處賊股次第剿除其鮑超一軍前據曾國清奏已抵九江將繞出樟樹鎮迎頭遏擊並著該督與鮑超之軍互相聯絡會同夾擊以期盡殄逆氛廓清全境請調之湖北候補道吳炳崑覓回湖南湘陰本籍卽著俾世臨飭令該員迅速前往江西赴楊岳斌軍營辦理營務以資得力將此由五百里各諭令知之○諭滿慶恩慶奏稱將達賴喇嘛送到首犯吐多卜降巴及色拉寺買巴結巴阿克巴三扎倉各供詞詳嚴雖首從犯眾均經訊明懲治惟吐多卜降巴造意糾眾先奪已革總堪布人財繼又督眾拒捕請卽在藏正法又色拉寺僧眾滋事時有在該寺學藝之僧人深知佛教大體並未附和請將該僧入滾多爾呼卑勒罕甲木巴勒丹增拉本等以呼圖克圖列名冊檔每屆帕克巴拉呼圖克圖年班貢期附同呈進貢品仍煩結印敕俾資遵守及賞加堅隆琿呼圖克圖名號等語吐多卜降巴罪狀既據滿慶恩慶這一訊明白應明正典刑至該寺僧侶既知佛教大體不肯附和滋事尤應予恩施以昭激勸惟朝廷既派欽差前往查辦事件此時福清景紋尙未到若一切刑賞各事宜不候欽差先行辦結恐有以折服眾心著滿慶恩慶會同崇

實駭乘章福清景松慈心壽商先將該犯吐多卜降巴羅禁侯福清景松到藏後再行自辦運至應行獎敘之漢多爾呼畢勒罕等木巴勒丹增拉木結等亦侯福清景松到藏後再行奏請獎敘原摺一件詞信函七件著鈔給樂實駭乘章福清景松閱看將此由五百里各諭令知之○給事中劉毓楠奏請飭議政王大臣等除除情面力求整頓得旨小人貪婪干進伎倆百出王大臣等庸茲重寄固不能不下士體實周諮博訪惟防檢稍疏恐轉以延擱之心啟舉援之漸爾後當益加勉寬以容眾嚴以律身如該王大臣等辦事未能盡治仍准有言責者據實直陳之部院大臣同受先朝厚恩當盡天良力圖整頓勿得仍前泄沓自貽愆尤○奏西議議政王軍機大臣等官文奏賊匪入城黃岡派兵會剿等語該王大臣等師曾國藩奏覆陳近日軍情各一摺逆匪不得逞志於漢口分股向東北斜趨官文飭富森保等各軍分投擊黃安黃陂之賊分竄麻城之岐亭等處捻逆亦分股由黃陂所屬之油梓河竄入羅山縣屬之仙花地方又黃安北路之賊分股竄至光山縣屬之蔣家河等處成大吉等見將新洲及辛家沖併力攻克水師礮船在黃岡縣境剿退賊匪官文擬即移營駐紮黃州著即趕緊馳赴黃州營飭成大吉等馬步水陸各軍認真剿辦將黃陂一帶逆匪悉數殄除無任蔓延他處薪水等處即責令梁洪勝等實力固守勿任竄突該逆未嘗一日忘援金陵其停頓不即東趨必係探聽皖省下游信息欲以拾遺牽制上游便可遂其豕突狼奔之計僧格林沁見已移紮光州蘇克金等馬隊皆在豫境著即飭令該員等將光澤各境竄匪迅速剿除並嚴防楚匪東竄皖境張之萬當嚴飭各郡縣慎固封守毋令賊再闖入應如何籌兵會剿之處著與僧格林沁會商妥辦皖北之防喬松年須振刷精神豫為戒備毋徒待其不來或致臨事掣肘會國藩見調周費世一軍移赴皖北並因黃陂距皖較近列城空虛可慮令陳國瑞駐紮壽州該處為淮南北通中之地有此勁旅兼可為應壽舒六等處巡警之師所需均妥籌即飛飭該員等迅速至防毋稍遲誤金陵之賊飛走技窮著會國藩隨時督同會國藩相機進剿屬應嚴防該處城池雖高且堅但使真能斷其接濟外援不來內賊不出又寬為收撫暫從播散告示俾令傳入賊中以破其團結之謀不久定能殲滅事該大臣等其慎勉圖之以副企望聞中外匪徒仍有偷濟賊糧食軍火之事著即嚴飭水陸各軍實力嚴防遇有此等匪船即行開砲轟擊毋稍姑息會國藩指內所稱由李鴻章解到輪船經費銀兩照數收到惟兵數及名稱請即概照李鴻章統兵來助復望其攜餉相遺李鴻章仍遵前旨俟長興克復赴援金陵並令劉銘傳等督帶總隊先行馳往助剿輪船尾項催令各處趕解接濟安慶大營此外如有可籌之節仍須覓為籌畫隨時接濟會國藩軍營該撫必不稍有瞻域之見存也黃翼升保簡放新設水師提督所有設官分汛一切事宜即著該督撫等詳悉定議具奏毋違

此由六百里各輪令知之○甲戌諭議政王軍機大臣等都與阿奏馳抵定邊察看賊勢軍情請飭撥步隊一摺前據待據甚急訥欽所部又不得力都與阿所帶除馬隊數百外僅陳天佑勇丁一千步隊太單難資進剿該將軍請調雷正綰步隊數營並調曹克忠或陶茂林等軍來定助剿自係在情形第雷正綰與陶茂林新復平涼見已分路進攻蓮花嶺賊巢以通靜隆一帶大路兼顧蘭垣恐難分兵赴定曹克忠因濃髮各總獲及西安又竄向葭州一帶防剿正當喫緊一昨亦未能赴甘肅與阿惟當就見有兵力嚴扼定邊一面偵探路徑設法進兵西蒙克西克馬隊已抵定邊桂成亦帶兵數百前赴定營都與阿均可酌度調遣惟成師以出惟敵是求若前無可進之路徒將兵勇株守一隅亦非善策都與阿如察審定邊一路未能一時進剿或即前赴雷正綰軍營合兵一處規復固原以期速援南夏善與雷正綰妥籌辦理毋誤事機都與阿如赴固原其定邊一帶即可飭令桂成及陳天佑等嚴密扼紮為訥欽後路聲援以免疏失慶鈞常陞仍當竭力固守以待援師毋稍疏懈劉夢麟派各逆已否悉數殲除如陝事稍鬆即飭曹克忠一軍迅赴都與阿軍營以厚兵力都與阿因定邊一帶覓食維艱飭令各州縣購運米麵准其作正開銷軍行而糧不隨士卒何由宿飽著沈桂芬督飭地方官趕緊採辦源源接濟毋令稍有缺乏都與阿所請咨調道員三壽辦理行營糧臺之處著文煜飭令三壽前赴都與阿軍營籌辦訥欽兵勇未經戰陣必應隨時訓練趙廷炬部勇能否成軍均著都與阿妥速辦理將此由六百里各輪令知之○丁丑雨○諭議政王軍機大臣等李鴻章奏官軍擊退湖州援賊迭克長興縣城並將胡漢等處賊壘踴躍各摺片長興一城為蘇浙要衝此次援浙各軍竭力攻克實屬異常奮勉惟長興賊首是否劉官方曾否獲獲逆眾有無逃竄他處李鴻章親赴長興察看著即前往督飭諸軍接勦餘匪查明匪首下落覆奏仍將廣德四安之逆首江姓等殲除肅清新一軍在胡漢等處獲勝恐其兵力尚單著即添派助旅助之務將湖州協力攻克以期蘇浙肅清除巨寇另片奏疊蒙諭旨助攻金陵並疊准會同藩司劉奎泰催會商攻剿本不敢有珍域之分亦更無嫌怨之迹惟湖州賊股甚眾附城數十里內面面賊壘堵輔等逆百戰狡悍浙軍僅能扼東南兩面其西北瀕臨蘇常湖州城未克牽掣兵力不少若令棄湖州而赴金陵恐賊匪乘間內竄窺伺蘇境若會攻金陵復須協辦湖州兵力實有不給礙隊見未練齊將來必須雇用洋人教習見歷日內由太湖馳赴長興前敵察看軍情賊勢相機調撥仍即折衝蘇城候旨酌奪等語所籌亦係著在情形前蘇江皖之賊其勢甚強左家棠兵力未足為所牽掣著李鴻章於到長興後即督軍助攻湖州嚴飭水陸諸軍防賊窺伺湖州克復蘇常無庸再行籌辦全軍助攻金陵湖州賊多且悍左家棠務即督飭各軍會同李鴻章助剿各軍同心努力毋稍遲誤期於一鼓攻拔此城為蘇

浙關鍵若旦晚克復則一勞永逸不獨李鴻章可以全力協克金陵即左宗棠兵亦可直抵皖南江西東南全局轉移大有把握即著王宗棠李鴻章悉心妥籌共奏膚功以慰朝廷殷盼會國藩仍即督令曾國全就見有兵力認真防剿如其機有可乘仍督率諸軍奮力圍攻即或一時不能得手亦必妥慎嚴防毋令寇突俟合兵後再圖剋期攻拔以期事出萬全該督撫等均爲朝廷所倚畀本日覽李鴻章所奏知該督撫等志切同仇毫無成見爲之欣慰更須勉益加勉和衷共濟有厚望焉李鴻章另片奏儘先參將孫家烜訛詐降賊馬文彪銀洋並度處難民江義和財物請勒使女等情實屬目無法紀孫家烜著卽革去參將從嚴審訊審明後卽於軍前正法以昭炯戒嗣後如有似此劣弁並著從重辦理無稍姑息將此由六百里各諭令知之○諭勞崇光張亮基奏克復古州騰城請卹周洪洪卹協剿並勞崇光奏克復中甸等處城壘雖勝仗各摺片雲南逆回杜汶秀等分踞中甸等處經馬如龍等進剿將中甸維西既克則大理之賊益蹙著勞崇光檄飭馬如龍岑毓英及田集勦辦尙爲得手思茅威遠既克則普洱已成孤立中甸維西既克則大理之賊益蹙著勞崇光檄飭馬如龍岑毓英及田仲興等各率所部將普洱大理等城迅圖克復擒斬首逆以期肅清疆圉古州收復情形與前傳世臨所奏略同該逆由古州苗崗繞出獨山州之霸街入蒙進踞已賴旁寨中寨和寨場及荔波縣之三崗地方經楊廷桂等軍迎剿疊勝賊欲向獨山州屬中安一路直上雞場該處爲上竄貴州定廣下竄廣西南丹必由之路亟應嚴密堵禦以杜賊蹤紛竄全祖凱一軍已抵獨山著勞崇光張亮基飭令該總兵扼要駐紮會同湘粵兩省官軍實力掃蕩以遏該匪紛竄定廣南丹之路並著惲世臨張凱嵩嚴檄派出之周洪印楊廷桂各軍聯絡聲援合力夾攻迅殲醜類周洪印因軍糧無從採辦藥鉛亦甚缺乏援營撤回楚邊惟見在正當攻剿喫緊之際李逆尙在漏網貴州僅有全祖凱一軍兵力甚單楊廷桂孤軍深入亦難兼顧若非添撥勁旅卽無以收聚殲之效著惲世臨飭令周洪印等仍統湘軍星速馳赴荔波獨山一帶協同剿洗毋誤戎機該營所需糧米藥鉛等項著勞崇光張亮基設法採辦源源接濟俾世臨亦當竭力籌措隨時解濟以收飽騰之效將此由六百里各諭令知之○子浙江陣亡參將向大鵬遊擊周金才等祭葬世職○戊寅諭議政王軍機大臣等恩麟奏陝西賊匪勾結甘省東路回匪圍攻莊浪靜甯等城請飭陶茂林迅速援剿一摺莊浪靜甯等處賊匪充斥恩麟派出防剿各軍尙形單薄自應厚集兵力迅掃逆氛前據雷正綰奏稱平定某已攻克擬借陶茂林分路進掃蓮花城張家川賊巢先通聲靜大路兼顧蘭垣見在靜甯等城待援迫切曹克忠不能赴甘陶茂林一軍應卽馳赴安會遇賊西竄援剿隆靜等處力解城圍著都興阿雷正綰會商妥辦恩麟嚴飭成桂等協力固守以待援師一面將省城防守事宜盡心籌畫毋稍大意南路軍情責

成林之望相機辦辦夏回務責令梁生撥安爲布置均不可有名無實其肅永祥所部勇丁因何潰散著恩麟查明具奏將此由六百里諭知都興阿雷正綰並傳諭恩麟知之○論平瑞奏庫車漢回滋事派兵救援一摺依奇哩奏漢回變亂及庫車失守請派大員統兵會剿並匪亂布古爾地方各摺片寬奏不勝詫異庫車居南路之衝此次漢匪逆回倉卒起事遽將庫車城池竊陷殺害官民其蓄意謀叛決非一朝一夕之故何以該處辦事大臣平日毫無覺察臨時又無備禦以致釀成變亂實堪痛恨平瑞見派領隊大臣文永統帶旗綠各營前往援救並籌備軍械糧餉以速其行所辦尙屬認真文永本日已簡放庫車辦事大臣卽著帶領援兵迅速前赴庫車一帶相機剿辦惟文永帶兵無多必應添撥勁軍方足以資策應烏魯木齊提督已簡放文祥平瑞可傳知文祥迅赴新任並再撥兵數千卽由文祥帶往喀喇沙爾庫車等處會同文永一軍認真剿辦所有旗綠各營官兵丁均歸文祥調遣文祥未到以前著暫歸文永調遣惟當乘賊匪初起之時迅圖撲滅規復庫城不准稍有稽延致滋延蔓喀喇沙爾與庫車接壤此時賊匪既踞庫城復有馬隊數百名竄至布古爾地方肆擾喀境邊防甚關緊要著依奇哩督飭兵弁嚴扼要隘實力防堵毋令東竄一步所調之士爾扈特和碩特兩游牧蒙古兵二千名並著依奇哩迅催調集來城助剿依奇哩奏已咨平瑞解銀二萬兩口糧麪三萬斤據平瑞奏僅措解銀一千兩麪一萬五千斤爲數較少仍著平瑞將應解喀喇沙爾銀兩口糧設法源源解濟俾不至有停兵待餉之虞從前新疆用兵回子台吉伯克等率能効命前驅爲國出力此次庫車愛王被執不屈致被戕害實屬深明大義可嘉可憫依奇哩可將其子白吉阿密特善爲拊慰勉其招集所部隨同官軍殺賊報仇庶人人樂爲我用此次起釁根由並薩爾阿等大小文武下役著平瑞等詳查具奏南路軍情緊急常清統轄各城責任綦重著趕緊籌撥兵數千前往會剿景廉前有旨令其折回本任未知該員見在行抵何處奎棟署理葉爾羌參贊大臣袁無芳著卽籌撥兵餉迅速援應並傳知阿克蘇和闐等城辦事大臣等一體嚴防毋得稍有疏懈喀什噶爾雖相距較遠惟該處卡倫時有安集延回匪滋事難保不聲息相通暗中勾結奎英尙未交卸著督飭在城員弁力籌防範消患未形不可稍存五日京兆之見常清另片請將遣勇一千四百餘名撥案免罪等語此項遣勇人數太多恐釋回時中途恃眾滋事必須妥爲料理令其分起陸續遣回或卽擇其勇健可用者籌備口糧令原帶之人帶赴庫車勦賊使功不如使過或於軍務有益著常清斟酌妥辦一祥接奉此旨著卽迅速起程其哈密幫辦大臣刁瑤尙未到任該城領隊大臣一缺卽著文祥於協領內揀選明幹可靠者暫行署理將此由六百里各諭令知之○諭依奇哩奏庫車城池失守咨調各路大兵會剿不日卽可到境請飭懷甘督臣迅將戶部奏撥新疆銀四十萬兩內

先行動撥銀五萬兩以濟兵食等語此項奉撥新疆銀四十萬兩前經戶部議奏應由山西巡撫籌款撥解見在新疆匪徒滋事庫軍失守各路大兵雲集需餉甚殷着沈桂芬即將應解新疆銀四十萬兩迅速解往蘭州省城毋稍延玩此項餉銀四十萬兩其已經解到甘省者著都興阿恩麟迅解新疆不准截留動用並着都興阿恩麟在於甘肅欠解新疆餉項銀兩內趕緊措撥銀五萬兩派員趕程解往喀喇沙爾以備供支兵餉之用並將續到之項隨時撥解俾資接濟將此由六百里諭知都興阿沈桂芬並傳諭恩麟知之○伊犁將軍常清奏已革向書陳孚恩已革總督樂斌在印房並文案處效力當差尙屬奮勉得旨陳孚恩荒誕謬妄因迎合載垣等獲請樂斌前在陝甘任內聲名狼藉巨庸乖謬貽誤地方該二員獲罪甚重均毋庸給予獎勵○已卯諭議政王軍機大臣等張之萬奏豫軍追賊入楚調同一軍扼守光○並裁勇練兵各一摺髮逆竄擾光山等處經副將徐連陞等督率兵勇分投剿洗該匪避兵遠颺悉向黃安黃岡一帶竄去張之萬見派徐連陞色爾固善張曜等軍盡赴東路聽候僧格林沁調遣即著僧格林沁嚴飭各軍出境追躡會合楚師兩面夾擊務將此股巨匪悉數殄除毋留餘孽黃州水陸市價前據官文奏已派梁洪勝等營及丁長春等礮船前往扼守此時該郡獨地賊竄官文務當嚴飭各營實力迎剿痛堵在氛毋令蔓延爲患豫軍追賊入楚豫南門戶空虛張之萬見擬於赴楚各隊內抽調一軍駐紮光固防賊回竄所籌尙是即著該撫由商僧格林沁斟酌妥辦倘敢逆等股竄向庫定剿子關一路防守甚關緊要張之萬見駐南陽當督飭張士元等營力守要隘毋稍疏懈所陳練兵代勇裁勇著兵之法實爲目前要務而陸續調練尤係整頓兵制之關鍵張之萬既稱已調歸德一營訓練業有成效即著將其餘各營次第挑選逐日練習其練成之兵或酌量調赴前敵使之親列行陣作其膽氣庶養一兵得一兵之用不得徒託空言有名無實張之萬毛昶熙奏汝南官軍攻克時玉洗賊寨並張家大圩梁家灣寨擒斬徐錫田劉周城等逆首一摺著責成毛昶熙督飭各軍搜捕餘匪悉數正法務絕根株出力員弁兵勇准田該撫等存記彙案請獎正在奇諭間據劉善奏另股游匪冒稱扶逆前由鄆西鎮安竄及鳳凰地方經官軍擊敗仍回竄鄆西等語此股賊匪游弋無常難保不由鄆西一帶窺伺漸川著張之萬督飭在防將士妥籌扼堵毋令賊蹤東竄將此由六百里各諭令知之○諭穆圖善劉蓉奏官軍進逼賊壘疊勝見籌分兵扼堵情形並請將金順簡放副都統實缺各摺片恭摺率其下黨踞盤匿所屬之店子頭田峪口一帶與僞敢逆及鄭馬諸逆漸趨而西經穆圖善等飛咨曹克忠各軍分路環擊曹克忠復率所部由鄆縣槐芽鎮追擊敢賊於西峪谷新口峪等處雖疊次獲勝而該逆糾集悍黨蔓延三四十里非兩路夾攻不能收聚殲之效見在蔡逆移踞樓觀臺一帶穆圖善等已移營進逼並

令曹克忠由東路緊偪前進卽著聯絡聲勢兩路夾擊以期一鼓殲除毋令此輩被竄又成不了之局敗逆僞將葉有光等率部投誠賊勢並未大衰難保非別有詭謀計圖一逞著飭令黃鼎等分別偵探僞匪酌辦理不可墮其術中扶賊各逆爾竄鎮安劉蓉奏稱係據探報入告實未探明何股等語軍營偵探爲第一要務劉蓉何得一間賊警不加詳察率行入告著再詳細查明據實具奏李雲麟前奏蔡逆已入穀中似此股賊匪已屬無能爲役何以此次竄出又稱其狡悍善戰非藍曹諸逆之比李雲麟復以無糧之故折回興安致該逆由大峪口任意出竄種種取巧貽誤殊出情理之外見在蔡逆與敗鄭各逆業已磨聚一處著穆圖善劉晉飭所部各營會同李雲麟合力兜擒盡殲賊類備堵剿不力致令出竄必惟穆圖善劉晉李雲麟是問記名副都統金順既據該將軍等稱其馭軍嚴明不避艱險著交軍機處存記遇有副都統缺出卽請簡放劉晉另片奏湖北前解多隆阿軍火器械餘贖尙多請飭移送陝省軍需局等語見在多隆阿舊部各軍多已回鄂其存面糧臺及荆子關轉運局軍火等項著穆圖善酌量情形轉飭多隆阿軍營糧臺各員將見存軍火器械查明數目移送陝省軍需局以便提撥應用將此由六百里各諭令知之○予陝西陣亡總管未方多爾濟遊擊何萬春蔡義世職○壬午候補四品京堂辦理陝南軍務李雲麟奏遵覆前次竄入尹家衛賊匪卽係蔡啟兩逆並無另股報聞○甲申諭議政王軍機大臣等官文奏官軍會剿逆匪屢獲勝仗並派兵馳援麻城一摺髮捻各逆趨集黃麻一帶經成大吉石清吉等軍分路剿擊屢有新誠惟陳得才大股尙踞麻城白果沙河等處麻城之圍未解亟宜併力掃蕩著官文飭令成大吉石清吉等營迅將白果等處之賊痛加剿洗毋任蔓延麻城賊氛四偏城中無糧甚形危急周鳳山楊朝林等援軍並著催令迅解城圍不得稍有疏失前據張之萬奏豫省光山等處之賊已竄黃安黃岡一帶是豫邊情形稍鬆僧格林沁見紫光山赫克金等馬隊已在光麻之交若橫出與楚軍會剿自更得手著僧格林沁卽飭赫克金等聯絡夾擊並遵前旨飭張曜色等固善等軍出境追躡與鄂軍四面兜圍務期盡殲賊類痛殄狂氛第賊勢注意東趨嘶水之雲路口已有梁洪勝五營繞前扼截該逆不能運志恐其由麻城直趨皖境僧格林沁官文尤當分飭各軍一面迎頭攔截毋得徒事尾追至賊蹤蔓及皖境其姜玉順蕭河清藍斯明等軍已先後馳抵樊城鄂省兵力不爲不厚見在分別道阻自己就緒卽著催令徑赴黃州麻城一帶會同成大吉等併力進取以期厚集毋稍延宕官文俟遣撤勇丁整頓營務辦有眉目卽之前旨移紮黃州以資調度將此由六百里各諭令知之○諭楊岳斌奏籌度緩急先赴要地督剿一摺據稱刻下賊勢併注江西撫建一帶見擬徑赴南昌布置再行馳赴東路擇賊勢最厚之處躬率諸將竭力攻剿俟到江後嚴計兵力通盤籌畫再當兼顧皖南等語所籌甚是見在

饒南無警自當先其所急力爭上游著該督即行前赴江西省城會同沈葆楨安商先將省城防務布置周密時偵探賊蹤察度情形於賊勢最重之區督率諸軍奮力剿洗一經得手自不難迎刃而解並須兼顧皖南母任湖州廣德之賊竄行上竄該督撫務當和衷商辦迅殄賊氛以副委任將此由六百里各諭令知之○乙酉諭議政王軍機大臣等俾世臨奏湖南東西兩路邊界分籌防剿情形一摺據稱晃州邊境空虛分飭彭炳武等旋師赴衡周洪印旋師赴晃前會剿三箇之時有生苗聚眾扼紮後路梗硬而包毛仙股匪愈聚愈多由永綏以至晃州烽火相望雖經滕加洪等迎擊賊多名而逆眾未受大創且與伍逆倏分倏合另有清江苗匪在中寨橫塘滋擾該撫已密飭周洪印等分道出境確探逆蹤所在合力直搗堅巢著即責令該總兵等確實偵探包逆大股是否悉踞麥地長坪務須出奇設伏就地殲除僅能將包逆擒斬餘賊自不難望風瓦解該撫即督飭周洪印等認真辦理以清積年巨寇晃州去獨山荔波較遠既未能前往會剿著即飛咨勞崇光等實力勦辦俟包逆伍逆就殲再行酌量援剿江西賊勢趨重撫建一路楊岳斌已由安慶赴省與沈葆楨會籌先就賊蹤最多之處奮力擊剿誠恐被擊分竄則湖南南界連江西各屬更形喫緊著即飭令派出各軍固守封圻然後率師出境以剿為防更資得力將此由五百里諭令知之○諭常清奏漢回焚燒庫庫城池並探聞文武被害各摺片與平瑞依奇哩業布冲額所奏情形大略相同昨諭常清趕緊籌撥進兵前往會剿茲據奏稱庫庫城池陷後阿克蘇係屬毗境所居民倍於他處防務關繫緊要見派員帶兵五百名馳赴阿城相機進剿等語著即嚴飭派出官兵迅速起程會籌剿洗惟庫城兵力單弱待援孔亟非添撥大枝勁旅不足以資堵禦著常清儘速前自迅撥精兵前赴庫城會剿依奇哩前調土爾恩特和碩特兵二千名聞該兩游牧蒙古兵素稱驍勇為司匪所畏懼若能駕馭得宜俾該蒙兵樂為我用則攻剿頗能得力著依奇哩催令趕緊來城設法聯絡藉資協助依奇哩前調策爾羌伊犁兵三千名烏魯木齊兵二千名已據平瑞奏稱撥兵八百名業布冲額奏報撥兵二千一百名前往庫城救援著平瑞文祥徵令各該官兵星速成行趨程前往文承先行帶領援兵迅赴庫庫文祥接奉前旨亦即迅速前赴庫庫一帶乘賊匪布置未定實力殲除以免延蔓阿克蘇係屬衝衢素稱饒裕遑同垂涖已久防守極為喫緊著崇恩兼程前進速赴新任儘再一味畏葸遲延不進致誤戎機必將崇恩從重治罪當殊哩署理阿克蘇辦事大臣責無旁貸即著就見有六力妥為布置不可稍有疏失文藝薩靈阿及庫城文武均被戕害衙門倉庫及各鋪面全行焚燒所探是否確實著常清依奇哩等詳查具奏逆匪公舉沙雅爾二阿渾名斜河為頭目該頭目是否即咸豐年間謀叛之斜黑阿渾著常清併查具奏逆回既舉一阿渾為頭目悉即占踞阿城以為巢穴常清以回民不少

暫令同人幫同守城回軍心志最齊若令協同守禦務須以分良莠不分漢回之說妥爲駕馭勿墮該逆詭謀著常清等嚴密籌辦毋稍疏虞冰嶺並伊犁北路一帶常清尤當加意防堵並著景廉奎棟奎英懷運本月初九日諭旨一體嚴加防範認真辦理庫車兵餉缺乏著常清平瑞竭力設措隨時接濟安等兼顧將此由六百里各諭令知之○丙戌諭議政王軍機大臣等慶昫等奏提解糧餉到城並偵探近日賊情一摺甯夏滿城自山西由草地解到協餉三萬兩阿拉善旗承運小麥一千餘石沈桂芬額壽銀一萬兩並所撥鉛丸火藥亦將到城該處得此接濟人心諒益固結附城之賊類多零星小醜不難殲除著慶昫等一面激勵將士慎固城防一面分兵出擊剪除羽翼斷不可以賊勢稍鬆漸涉疏懈遵首赫文典馬蘭選督左近平羅聚富見遣其黨與同鄉劉夢難保非糾眾前往阻截援兵都與阿仍遵前旨探明道路派兵進剿慶昫奏稱由磴口過河自石嘴山節節前進即可直達平羅等語如由此路進兵較之繞越行走勢更便捷著都與阿斟酌辦理馬化蔭一股在靈州張貼偽示歸罪赫文典等自明無罪籠絡鄉民恐其搖惑民心仍圖西竄且與西甯一帶回戶聲氣相通若不及早殲除將來肆意勾結其患未已著都與阿雷正紹會商進剿欽所部兵勇未經戰陣著都與阿隨時察看請欽如不勝統率之任即另行派員統帶此軍兒存兵勇既不得力亦豈可坐耗餉糈著逐加挑選認真訓練其不堪驅策者即酌量遣撤以節糜費前因都與阿兵力較單諭令劉晉侯陝事稍鬆即飭曹克忠一軍迅赴都與阿軍營以厚兵力如見在曹克忠不能赴甘即酌派數營前往助剿歸綏防務重要且有甘省回匪東竄之謠桂成所帶之兵已諭令仍留歸化城辦理防守暫緩赴甘矣沈桂芬籌畫甘省餉項甚爲得力見在甯夏需餉仍著陸續籌解源源接濟將此由六百里各諭令知之○丁亥上諭 大高殿祈雨○諭議政王軍機大臣等沈葆楨奏江席兩軍會剿崇仁踞逆屢勝上清宮賊匪紛竄官軍迎剿失利遵查圍攻南豐情形請將席寶田暫革並自請治罪各摺片逆眾麇集江西占踞崇仁等城意圖久踞經江忠朝席寶田兩軍會剿崇仁屢獲勝仗殺賊一千三四百名勦辦尚屬出力惟賊勢尚眾而官軍又傷亡不少自應乘勝進剿穩慎圖功楊岳斌前奏先赴南昌會籌防剿此時計已行抵江西省城即著會同沈葆楨督飭江忠朝席寶田各軍實力攻擊迅復崇仁並將宜黃南豐等處之賊以次殲滅毋稍鬆懈見在劉典進剿樂安之弓背墟王文瑞進剿樂安之太平墟皆偏近崇仁鮑超亦擬赴瑞臨進規崇仁以取迎剿之勢並著機令各該軍會合江忠朝等四部併力進剿盡殲賊氛至上清宮之賊紛竄全夥之許鶴一帶道員王沐帶兵進攻中伏失利固屬咎無可辭惟念其平日打仗尚稱勇往此次踉蹌跌蹙因眾寡不敵所敗應得處分著加恩准予寬免以觀後效此時許鶴之賊雖經劉干澍等擊敗而僞王宗李坤餘黨及林正揚等

股復由廣昌富化等處下竄與南豐賊合侍迤分黨東竄撫州經總兵胡占魁等擊退仍踞河西金谿之賊復分踞東鄉各村是東路賊氛正熾楊岳斌沈葆楨督飭王德榜王開琳及周寬世進賢一軍視賊匪最多之處猛力進攻次第掃蕩母任蔓延席寶田圍攻南豐日久未下本有應得之咎惟該員因建昌有警移軍回顧致兵分見單未能得手向非攻剿不力者可比沈葆楨請將席寶田暫行革職之處著加恩寬免並著該撫傳知席寶田感激愧奮以贖前愆沈葆楨自請從重治罪之處著一併寬免將此由六百里各諭令知之○廣江蘇鎮江府學額四名海門廳二名丹徒縣十名○予江西陣亡副將徐士賁等祭葬世職○戊子飭四川等省迅解甘餉○已丑諭議政王軍機大臣等曾國藩奏遵覆疊奉諭旨一摺據稱李鴻章絕無遊嫌之意所稱助攻金陵即難協助湖州係屬實在情形轉瞬新秋暑退該撫必可督兵前來至中外接濟賊糧金陵水陸一百六七十里不敢信其必無疏漏近聞戈登語及白齊文暗同中國招集無賴雇備輪船將赴金陵清助意外之虞願難防禦東趨髮捻已由麻黃等縣竄入英山境內調王可陞等移防無爲桐廬等處周寬世一軍已抵南昌令赴進賢防剿新調各軍尚未到防安慶人心震動見催集防兵設法堵遏候皖北稍安李鴻章會剿有期即當馳赴金陵商辦各等語李鴻章前奏長興克復湖州賊股仍眾浙軍僅能扼東南兩面其西北濱臨蘇常恐賊匪乘間內竄該撫擬由太湖馳赴長興察看軍情當經諭令該撫於到長興後即督軍助攻湖州俟湖州克復蘇常無警再行親赴金陵著李鴻章仍遵前旨會合浙軍共克湖州轉瞬蘇浙肅清礮隊練齊自當親督各軍前赴金陵肅清除首惡辦賊之要首在斷其接濟曾國藩務須督飭曾國荃嚴飭水陸諸軍晝夜密防備有暗中偷濟賊糧之事開礮痛擊毋稍懈怠白齊文前由蘇城投出還歸本國此次何以又暗同中國招集無賴雇備輪船接濟金陵實屬怙惡不悛除由總理各國事務衙門王大臣知照駐京各國使臣外並著李鴻章查明是否實有其事設法拿辦白齊文屢敗之將無能爲役金陵守將惟當遇賊即擊無恤其他官文等前奏賊在黃麻一帶復糾眾回竄盤踞柳林舊街等處未言東竄英山本日據曾國藩奏賊由麻城黃岡羅田等縣近已竄入英山境內見令王可陞一軍移防無爲州各李鴻章於新克長興各軍中分兵守建平騰出李榕六營馳赴桐城並調李世忠舊部陳自明四營由池州馳紮廬江均屬妥協著即催令各軍趕緊到防無任賊氛蔓延爲患周寬世已到南昌即檄令赴進賢防剿毋庸遽回皖北僧格林沁前奏駐紮光山一帶如賊縱有東竄之信諒已督軍追剿即著督令蘇克金等認真躡剿喬松年身任皖撫責無旁貸前調陳國瑞等軍均已到防即著飭令迎頭截剿儘任其深入蹂躪定惟該撫是問英霍去安慶不遠此時楚賊下犯恐掣金陵全局果能扼守皖疆自與金陵大有裨益曾國藩本擬六月規赴下游籌

商攻勦刻下安慶人心未定自未能即時前往著將上游軍事布置周妥俟賊氛漸熄院屬無憂再行約會李鴻章同赴金陵以期肅功迅奏前諭官文等分飭各軍一面迎頭攔截毋得徒事尾追使逆蹤屢及皖境此股賊匪究由何路入皖黃庵一帶情形若何官文會否前赴黃州著即據實馳奏以慰廑繫將此由六百里各諭令知之○廣江西鄉試中額二名秦和聯學額七名奉新臨川各四名南昌三名進賢靖安新昌清江金谿樂安新城貴溪餘干安義德安鎮各一名湖北羅田九名○庚寅彭玉麟楊岳斌會同奉奏臣國奎合圖金陵於五月三十日攻克太平門外偽地堡城六月初一日起令各營逼近城根輪流猛攻總兵陳萬勝王紹義郭鵬程等死之弁勇傷亡極多提督蕭子泗候補道黃潤昌及各營官弁益切憤懣遂於龍脖子山麓修築礮臺日夜轟擊一而多用溼土填填龍脖子高與城齊一面令總兵李臣典吳宗國何玉貴楊喜貴從山麓距城十數仗開挖地道剋日限抵城根而蕭子泗張詩日蕭慶衍羅達元臬司劉連捷道員彭毓楠連日攻之益力不收隊者半月礮斃賊首偽王甚多十四日朱南桂朱惟堂轟神策門地道盡破其月城而大城屹立仍未克士卒死傷尤眾十五日李臣典地道告成十六日午刻發火衝開二十餘丈當經朱洪章劉連捷伍維壽張詩日熊登武陳壽武蕭子泗彭毓楠蕭慶衍率各營大隊從倒口搶入城內悍賊數千死護倒口排列逆眾數萬捨命抗拒經朱洪章劉連捷伍維壽從中路大呼衝殺奮不顧身鏖戰三時之久賊乃大潰劉連捷張詩日由右路循城包鈔搶奪各門適朱南桂梁美材從神策門月城梯攻而入會合據定城北一帶彭毓楠蕭子泗蕭慶衍武明良由左路循城包鈔立奪朝陽洪武通濟等門連獲逆元趙三元易良虎陳混彭椿年從南門旁舊倒口處梯攻而入會合據定城南一帶中關關江礮石壁一經提督黃翼升總兵許雲發率水師各營攻入臣國奎至太平門倒口進登龍旗山督陣見攻克省城之大勢已定遂退回老營將大略情形一面具報一面飭官軍環城內外紮定兼扼各路要隘計自十六日午時起至日暮礮斃悍賊數萬攻及偽府數十處惟首逆洪酋等所居築有偽城甚大死黨不下萬人經官軍四面環攻尚未破入大約一二日內即能剿洗淨盡其老幼婦女甚多臣國奎傳令各營一概釋放以普 皇仁其詳細戰狀各逆酋下落及應獎應卹人員查明咨請督臣曾國藩具奏

上諭內閣楊岳斌彭玉麟會同奉由八百里馳奏官軍克復金陵外城礮斃悍賊數萬攻及偽府數十處惟逆首偽城未破死黨萬餘餘餘伏不出官軍四面圍攻釜底游魂諱難久稽顯戮仍著曾國奎等嚴飭各軍力拔偽城殲擒巨逆以申天討而快人心此次立功諸臣俟會國藩將詳細戰狀奏到時即行渥沛恩施同膺懋賞○諭議政王軍機大臣等楊岳斌彭玉麟會同奉由八百里馳奏官軍克復金陵大略情形一摺逆首洪秀全等以數十萬逆眾久踞金陵負隅死守曾國奎等督

兵圍攻所部不滿五萬兩載以來將城外賊壘悉數掃蕩茲復於炎風烈日之中傷亡枕藉之餘併力猛攻克拔堅城非貧國藩調度有方會國奎及各將士踴躍用命不能建此奇勳披覽之餘曷勝欣慰此次立功諸臣侯將僞城攻破巨惡就擒即行渥沛恩施同膺懋賞見在悍眾萬餘力守僞城固獸猶難保不拌死竄突會國藩彭玉麟會國奎務當飭水陸官軍乘勝進攻尤當於勇往之中加以慎重不可稍涉大意具洪秀全及著名巨酋必須悉數擒獲毋使乘間免脫致稽顯戮此外被脅難民仍著妥為撫卹設法安插以示寬大之仁此次應獎應卹人員會國藩查明具奏日來深盼續到捷報如金陵餘賊掃除淨盡即著會國奎先行馳奏金陵城大兵單敗殘餘匪難保不日奔竄高深丹句一帶與金陵處處毗連李鴻章當嚴飭在防各軍實力扼剿遇賊即擊馮子材魁玉飭令陶茂春等軍聯絡聲勢一體截剿總期盡絕根株毋使一名漏網富明阿督飭揚防諸軍嚴扼沿江各口勿令乘間偷渡金陵巢穴已覆其餘各路逆匪自必聞風喪膽著左宗棠李鴻章乘此聲勢一鼓作氣迅將湖郡攻拔並著左宗棠派兵嚴扼皖南遏賊上竄之路江西援兵雲集楊岳斌計已行抵南昌即著督率水陸各營迅將江右逆氛掃蕩並杜皖南竄賊俾東南數省咸就肅清登吾民於衽席有厚望焉將此由六百里加緊各諭令知之○諭喬松年奏陳國瑞一軍已抵正陽該撫擬移紮壽州扼剿並布置英翰等軍擇要駐紮暨潁州所屬民間良圩未可平毀各摺片楚境新羅賊匪逐漸東趨是皖境邊防愈形喫重陳國瑞已抵正陽駐紮防剿扼賊下竄之路即著喬松年飭該總兵嚴密堵禦擇要布置並稟商僧格林沁相機調度壽州爲六安顧上扼要之區該撫即擬移紮壽州以居形勝所需甚合機宜惟賊勢東竄奔突靡定據稱僧格林沁見已派員於三河尖一帶查看駐營地勢如賊竄皖境即親督追剿該撫見已調英翰等軍駐紮顧上懷遠等處即著飭令各軍勤加偵探嚴密防守擒一賊蹤東趨務當督飭各路官兵會同僧格林沁之師前後夾擊掃蕩逆氛毋令擾及完善至潁州所屬太和等縣民間築圩固守自係堅壁清野成法所有舊日良善各圩即著毋庸平毀該撫務須曉諭各圩民使一聞寇警仍各完聚入保俾賊無所擄掠官兵自易於剿辦仍隨時偵察有無匪類潛蹤俟軍務稍鬆再令一律平毀將此由五百里諭令知之○諭李雲麟奏率師援陝事皆棘手並餉源已絕所部軍士畱撤皆難各一摺行軍之道首重糧餉李雲麟所部一軍約六千人每月需餉三萬餘兩前經諭令陝西湖北兩省分任其半山東河南月解協餉銀一萬兩以資接濟何以山東則置若罔聞河南則僅解千兩劉轅與李雲麟同辦陝賊何亦視同吳越並不代爲籌畫李雲麟見將各軍暫駐興安該處米麥雜糧諸形昂貴而餉無來源更難購買萬一飢軍潰散陝南門戶空虛於大局殊有關繫著閻敬銘張之萬將應解月餉趕緊籌措源源協濟劉轅恪遵前旨將該營應

需糧餉軍火安籌接濟不得膜視並著官文唐訓方將李雲麟所部楚軍五六兩月餉需懷遠前旨設法迅速籌解毋稍遲誤刑賞爲用兵急務若有功人員過時不賞何以責其用命所有山陽出力及扼堵髮匪川匪之水陸各營著官文劉蓉迅速查明領請施恩不得稍分畛域李雲麟受不次起擢殊恩應如何感激奮興力圖報稱乃因辦賊無效輒以餉竭糧匱爲詞藉思該卸況滇髮各逆兇窺鄰縣一帶將由棧道出漢中是陝南防務正當喫緊該京堂乃稱陝南暫就肅清請將兵勇遣撤或調赴他處於扼剿緊要之時作退避忌肩之計不知李雲麟是何居心著仍督飭各軍力籌防剿擒敢縱賊出險致漢中興安各屬復遭蹂躪必惟該京堂是問將此由六百里諭知官文閱敬銘張之萬劉蓉李雲麟並囑諭唐訓方知之○諭都興阿奏查看地勢賊情繪圖呈覽並陳連日籌辦情形一摺該將軍以定邊距靈較遠且與前營隔膜督兵進剿花馬池以便聯絡聲威相機進剿並查明該逆自靈州金積堡等處接連占踞城堡蔓延將及千里非分兵三路進剿難期得力所辦甚爲周安惟據該將軍奏稱查探赴援甯夏之路一望沙漠繞路甚遠水草處處不便接見鄂爾多斯副盟長準噶爾扎薩克貝子扎那濟爾第面稱前去磴口渡河不過八站與慶府前奏情節相符該將軍若由此路進兵勢甚便捷著即採明水草遠近催調各路官兵直趨甯靈毋稍延緩雷正綰進兵固原能否與該將軍合力進攻著都興阿等斟酌緩急妥籌辦理前因都興阿軍營兵力較單諭令劉蓉俟陝事稍鬆曹克忠一軍赴甘或酌派數營前往助剿並前據文煜奏稱前任總督熙麟飭令參將王泰來招募楚勇三千三百餘名歸都興阿調遣此項官兵曾否到營著都興阿分別催提到營以厚兵力訥欽趙廷烜兩軍未經戰陣即著將老弱兵勇認真裁撤酌留精銳並著勤加操練俾歸實用將此由六百里各諭令知之○諭依奇哩奏布古爾庫爾勒二汛被匪焚燒並催調烏魯木齊等處官兵會剿各摺片庫車變起倉卒匪蹤漸次東竄擾及布古爾臺其庫爾勒汛亦有漢回變亂放火焚燒復敢直撲喀喇沙爾城池經依奇哩派兵擊散復令上兩區特和碩特等處官兵分別剿殺多名餘匪逃竄布庫二汛失守依奇哩失於防範著交部議處前因庫車賊匪竄至布古爾地方諭令依奇哩催調上兩區特和碩特兩游牧蒙古兵二千名來城助剿該蒙古兵素爲同人所畏憚到城以後必能奮勇殺賊著卽激勵籠絡俾克踴躍前驅樂爲我用烏魯木齊吐魯番均距該城不遠雖經平瑞派兵四百名榮慶派兵二百名前來防堵尙覺兵力較單不敷剿辦著依奇哩督催該二城添派兵弁會剿一面飭令見派各軍將東寇之匪悉數殲除俾前派各軍專意西指迅速復庫城免致賊氛日久延蔓難收收拾文永文祥該已前後馳抵庫城平瑞等所派之兵務須飭令鼓勇前進迅速進行均著保遵前旨乘賊匪布置未定奮力進剿毋得遷延干咎當清統轄各城責任甚重前諭撥兵會剿著

迅速調派不准稽遲見在庫庫所屬軍臺處處失守上城文報改由冰嶺遞送該處見在情形尤爲喫重常清著懷邊前旨加意防堵附近各城並著隨時查照駐守之參贊辦事大臣等嚴加防範認真辦理毋稍疏失將此由六百里各諭令知之

○廣東東四會縣學額二名○辛卯兩上請 大高殿報謝○壬辰諭議政王軍機大臣等高明阿奏江甯省城已克擬派協領恆玉等先赴金陵查看滿城情形再籌布置俟軍事稍定即親赴省垣等語金陵外城業經克復洪逆僅率賊眾萬餘抗拒偽城諒不難剋期攻拔惟該逆計窮勢蹙深恐鏖險出竄江北各口亟應加意嚴防鄂省髮捻東趨前據會國藩奏已由麻黃等境竄向英山一帶意圖由皖回援金陵僧格林沁已督兵進剿三河尖陳國瑞駐兵正陽關防堵天長六合等處亦當嚴密布置扼賊竄突著高明阿懷遵前旨督飭揚防水陸各軍嚴扼江北各要隘毋令零星賊股乘間闖入擾及完善地方並嚴飭天六等處防軍慎密防範遏髮捻東趨之路該將軍仍當扼紮揚州安籌分佈毋庸卽赴金陵俟江甯全城克復巨匪授首江南北一律肅清該將軍如須親赴滿城籌辦善後屆時再行奏明請旨酌量辦理將此由五百里諭令知之○左宗棠奏五月初一日湖州踞逆由東南分撲長生橋官軍營壘通判蔡元吉據調洋槍隊二百餘名分伏桑林待賊撲近突起轟之斃賊數百以賊勢既趨重此路蔡元吉兵力尙單飭將益澄分撥師船並調都司湯葆元飛划一營前往助剿十四日該逆大股膽至蔡元吉督隊奮擊相持至暮該逆即偪長生橋亭子橋兩營時總兵劉樹元等率水師各營移紮菱湖以壯聲援將益澄以蔡元吉一軍連日鏖戰賊鋒未挫抽撥三營馳往助剿二十日該逆復出悍黨數千分撲蔡元吉營壘環攻五時均經擊退該逆復乘虛繞襲菱湖鈔我後路劉連陞率副將蔣榮彩等各營師船竭力堵截高連陞派隊助之賊見援軍突至駭而奔二十九日袁家匯賊目李得芳赴蔡元吉營中請降蔡元吉許之三十日親赴袁家匯攻取未降各營偽輔王楊輔青即率悍黨來爭蔡元吉麾眾分路截殺羣賊潰竄遂將袁家匯賊壘一律焚毀率降眾七百餘回營將益澄當飭將新附之眾編立一營其南路賊匪於五月初九日由太湖塘楊渡分撲章字右後兩營劉樹元亦馳往接應立營馳往截擊自率所部繞軌村兜剿該逆分向太湖塘楊渡竄去二十四日何培英督隊乘勝狂擊劉樹元亦馳往接應立破賊壘三座餘賊皆棄壘狂竄官軍追殺數里將太湖塘楊渡等處賊壘一律掃蕩二十七日分擊晨舍賊壘破賊卡一座而還其西路長興至安吉百餘里皆爲賊踞五月十七日安吉賊千餘竄至高塢嶺經羅大椿等截擊斃賊數百名生擒百餘名旋准李鴻章來咨已派水陸四十營進攻長興飭楊昌濬率各營進規湖州西路期與蘇軍漸合長圍飭將益澄派總兵周廷瑞等六營由餘杭拔赴黃湖會剿二十四日蘇軍攻克長興縣城賊悉退四安楊昌濬率各營由牌頭進銅嶺

扼之令知府劉瑞副將劉瑞魁谷香山等三營會同周廷瑞六營出黃湖直搗孝豐縣城六月初三夜開藩師諭備以進谷香山劉瑞魁躍過重濠揮軍直入劉瑞督隊繼之奮攻踰時賊勢不支周廷瑞督各營由東門攻入城賊大亂奪路逃竄當於初四日將孝豐縣城克復周廷瑞劉瑞揮軍追擊外委李必得矛刺逆首落馬生擒以歸訊之即僞戴王陳榮也是役斃賊千餘名生擒長髮廣賊數百名拔出難民婦女五六百名惟安吉廣德州尚爲賊踞甯國縣並無官軍湖州踞賊如圖西竄勢必假道於此已酉劉瑞劉瑞魁谷香山三營駐守其地扼之並令楊昌濬迅攻安吉據報梅溪四安踞賊尚有數萬與廣德安吉之賊互相聯絡官軍進攻安吉必來救援恐有腹背受敵之患已函商江蘇撫臣徵長興之軍分攻四安以掣其勢並飭知楊昌濬如安吉一時不能驟下或先攻梅溪庶湖州之賊與安吉割而爲兩較易收功此次進攻湖州尤爲出力之知府劉瑞等懇請先行獎勵其餘出力員弁可否由臣存記俟克復湖州彙案保獎出自天恩又奏竄閩之賊僅林政揚花旗一起見已回竄江西意圖合併巨股揆度賊情非經江西痛剿窮蹙無歸必不遽竄閩境惟延建邵汀一帶盜匪素多亟應速予誅鋤以靖內患見在東國器之軍已抵邵郡臬司張運蘭已據稟報率所部由江西信豐等處以入汀州已飭其確偵江西賊蹤相機進剿上諭孝豐既克則湖州安吉賊勢漸孤左宗棠已令楊昌濬進攻安吉恐梅溪四安等處之賊齊心救援將有腹背受敵之患著李鴻章檄飭長興得勝之軍分攻四安以牽賊勢必須湖州之賊與安吉割而爲二方可收功湖州果路水陸各營已疊獲勝仗埔湯賊壘不少左宗棠即督飭將益濃等各營水陸夾攻務須一鼓作氣迅克堅城此時金陵外城克復洪逆已如釜魚併獸恐各處賊匪均無固志勢必紛紛圖竄且太湖廣袤數百里江浙路路可通尤須嚴密防維以免疏漏其廣德之賊恐與徽浙各逆互相聯絡是皖南一股根株殊難淨絕會國藩左宗棠均須隨時兼顧免致臨時棘手蘇常各屬地方李鴻章飭各路守將認真防範毋稍大意左宗棠方片奏林正揚花旗一股已由閩回竄江西惟延建邵汀一帶盜匪素多亟應速予誅鋤以清內患見在東國器之軍已抵邵郡張運蘭已由江西入汀州該督即飭令該員等各將邊境腹地匪徒迅速剿洗無任續有竄入閩省將吏如有不能得力者仍遵前旨嚴爲甄汰均須隨時與徐宗幹咨商會辦毋稍瞻顧將此由六百里各諭令知之○諭張之萬奏西路邊防稍鬆擬移營進紮汝郡並籌解甯夏甘餉銀數各摺片陝省逆匪分竄邵縣一帶豫西之防已鬆而汝南新息登輝甫靖馬步各軍均行入楚會剿後路空虛僧格林沁見擬進紮三河尖張之萬擬即移軍汝郡以資聯絡所籌向合機宜見在髮逆大股屯聚麻城黃安一帶會國藩前奏逆蹤已擾及英山是皖北軍情已形喫重前諭僧格林沁官文督飭營克金張曜成大吉等軍分兵繞前截擊無使悉數東趨此時僧格林沁